



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R.P. Francisci Arias, Societatis Iesv Theologi, De Oratione  
Mentali Et Mysteriorvm Vitae D.N. Iesv Christi &  
benedictae Matris eius meditatione**

**Arias, Francisco**

**Coloniae Agrippinae, 1616**

VI. De quibusdam peccatis, quæ ex ignorantia committuntur & multi ignorant, nec confitentur; quia id discere negligunt, quod scire tenentur; & de socordia in caritatis & iustitiæ operibus.

[urn:nbn:de:hbz:466:1-48934](https://nbn-resolving.org/urn:nbn:de:hbz:466:1-48934)

Ex quo sequitur multos Christianos in graui peccata lapsos esse, quamuis ob socordiam ignorantia laborassent, & quia ipsos latebant, nequaquam confitebantur: imò quidam vsque ad eò mente capti sunt, vt se viam virtutis tenere, & recta ad cœlum tendere pro certo arbitrentur, cum interim ab illo deflectant, & directo itinere ad æternam damnationem descendant. Quapropter benè Sapiens ait: *Est via que videtur homini recta, & nouissima eam ducunt ad mortem.* quasi dicat: Quidam inter homines viuendi modus est, qui iustus apparet, quædam opera sunt, mores & conuersationes, quæ bonitatis speciem præ se ferunt, sed ante Deum nullam prorsus habent: quia illis permixta sunt peccata, quæ ad ruinam pertrahunt. Quæ sint autem ista, & quibus remedijs occurrendum sit, in sequentibus ostendemus.

## CAPVT VI.

*De quibusdam peccatis, quæ ex ignorantia committuntur, & multi ignorant, nec confitentur: quia id discere negligunt, quod sciunt tenentur; & de socordia in caritatibus & iustitie operibus.*

VI

**V**T magnum hoc malum meli<sup>9</sup> cognoscatur, & conuenientioribus remedijs preueniatur, utile admodum erit, nonnulla ex occultis istis peccatis in lucem adducere, quæ ex culpabili ignorantia fieri solent, & ob materiae grauitatem aliquando sunt mortalia. Communiora tantum proferemus, vt ex his reliqua comprehendantur, & detegantur.

Quædam exterius magis sensibus subiecta, & ad cognoscendum, si quis obseruare velit, faciliora sunt; alia paulò subtiliora, occultiora, & ad intelligendum difficiliora. Primi generis hominum negligentia est, qui ea, ad quæ propriè ob dignitates & officia sua obligati sunt, intelligere & facere prætermittunt. Sunt diuersi hominum status & munera; quidam potentes Domini sunt, alij Gubernatores, alij Iudices, nonnulli Scabini, quidam Mercatores, alij in Prælaturæ, vel Sacerdotij gradu sunt, multi Religionis aut Matrimonij statum sequuntur. Omnes hi ordines & dignitates, præter mandata Christianis omnibus proposita, alijs maioribus obligationib<sup>9</sup>, tam iure diuino, quàm humanis legibus & cõstitutionibus constri-

et sunt, quarum notitiam habere, &  
 mentem executioni mandare tenen-  
 tur. Huic alia quaedam coniuncta est,  
 quod videlicet parentes & praecep-  
 tores filijs, seruisq; suis doctrinam Chri-  
 stianam non instillent, nec operam  
 dent, vt sacrum audiant, ieiunijs & o-  
 rationibus vacent, quod perniciosos  
 pps ludos, nocturnos discursus non  
 prohibeant; pessimam & inanem iuri-  
 di consuetudinem, & ab Ecclesia diuini  
 prohibitis lacticiniorū vsu non in-  
 terdicant; quod peccādi occasiones non  
 tollant. Et qui seruos habent, quod ho-  
 mines cum foeminis, filios adultos cum  
 ancillis, spōsas cum sponsis, cognatos  
 cum cognatis; quod filios suos tempe-  
 stiue matrimonio non tradant, aut cō-  
 tra voluntatem nuprui collocent; ser-  
 uorum suorum prater omnem iurā-  
 diuini equitatē nuptias impediunt, nec  
 fideliter suoq; tēpore illis & operarijs  
 suis satisfaciant, nec promissa seruent.

His defectibus sēpē mortale pecca-  
 tum incurritur, quorum tamen nulla  
 ratio habetur. Istam peccati speciem si-  
 militer iuramenta induunt, cum per-  
 nimam, regni cōlestis partem, paren-  
 tes, & filios, ita me adiuuet Deus, vel  
 saluet, iuratur. Imprecationes etiā aut

male  
 di in  
 dubi  
 absq  
 iura  
 bi ve  
 men  
 re, c  
 tum  
 aliqu  
 sui v  
 deli  
 non  
 mun  
 mod  
 dia,  
 & q  
 mor  
 anir  
 fite  
 E  
 mal  
 exa  
 ma  
 ma  
 vo  
 am  
 tat  
 pro  
 cor

maledictiones sine voluntate imple-  
 di iuramentum non nunquam cum rei  
 dubiæ affirmatione pro vera, interdū  
 absque veritatis vel falsitatis examine  
 iurare, quod multi bonitatis nomen si-  
 bi vendicantes haud perpendunt: & ta-  
 men hoc est falsum iuramentum dice-  
 re, quod ex natura sua mortale pecca-  
 tum est. Multi etiam iurant, se bonum  
 aliquod opus in euentem proximi  
 sui utilitatem facturos, certa officia fi-  
 deliter administraturos, & illius leges  
 non transgressuros, secretum ipsis cō-  
 municatum seruaturus, nec in eius-  
 modi statu munera, nec maiora stipen-  
 dia, quàm constituta sint, recepturos;  
 & quando contrarium egerunt, nec se  
 mortaliter peccasse, & periurij reos esse  
 animaduertunt, nec etiam de illis con-  
 fitentur.

Ex altera peccatorum specie, quorū  
 malitia occulta est, hæc sequentia sunt,  
 ex adulatione Principes, Prælatos, &  
 magni nominis viros laudare, illorum  
 mala opera extollere, & superbiæ ac  
 voluptatum adinventiones excusare;  
 amicos suos commendare, illis digni-  
 tates, officia secularia vel ecclesiastica  
 procurando, quibus indigni sunt, quia  
 conditionibus à iure vel ciuili, vel ec-

clesiastico requisitis carent: aurum vel æquivalens ad certi officij administrationem concedendam, quod gratiō conferri deberet, vel ob beneficium præstitum, ad quod faciendum quis de iure & ratione muneris sui tenebatur accepisse: opera caritatis & misericordiæ tam spiritualia quàm corporalia, in ijs prætermittere, quibus lege divina obligamur. In lusuibus & vanitatibus, cibis, alijsque rebus superfluis bona expendere, quæ Deus ad opera caritatis facienda dedit; aliorum peccatorum cum commodè fieri potest, reprehendendo, aut Superioribus manifestando non impedire, vel sanè bonam illis instructionem, consilium, aut elemosynam non impartire, præsertim cum Principes aut Domini sunt; Magistratum vel Prælaturam aliquam gerunt, qui non solum ratione caritatis, sed etiam iustitiæ ad vitia subditorum suorum corrigenda, reprehendenda & punienda, vel etiam quantum in ipsis est impedienda obligati sunt.

Ad hoc peccatorum genus (quorum malitia licet magna sit à paucis cognoscitur) multæ iniquitates referuntur, quæ fiunt, quando debita tempore constituto non persolvuntur, vel con-

COMMVNIONE. III

tra creditorum voluntatem iniuste re-  
 tinetur; quando secretæ confœderatio-  
 nes vel monopolia instituuntur, cum  
 emptoribus in damnum vendentium,  
 vel cum vendentibus in emptorum  
 detrimentum conspirando; aut cum in bo-  
 norum publicorum distributione ali-  
 quis à contributionibus & oneribus,  
 ob fauorem & amicitiam eximitur, v-  
 nus grauat, alter subleuatur; aut cum  
 res aliqua à pueris vel alijs emitur, vel  
 lusu acquiritur, qui nullam vendendi  
 vel alienandi potestatem habent; cum  
 fideliter & quàm primùm fieri potest,  
 testamenta executioni non traduntur;  
 bona pupillorum & minorennium  
 commissa male expenduntur; iniustæ  
 causæ sustinentur, & in dubijs non la-  
 boratur, vt æquitas causæ cognosca-  
 tur, bona cum intentione non inquiri-  
 tur, qui veram iustitiam manifestet, ne  
 alijs molestus sit.

CAPVT VII.

*De quibusdam diuersarum superstitionum  
 peccatis, quæ sepe non cognoscuntur, &  
 ex ignorantia culpabili non  
 manifestantur.*

**I**N grauioribus peccatis, quorum ma-  
 litia parùm hominibus cognita est, di-  
 uersa